



NATION INNUE

INNUAT UTAIMUNNUAU PETSHITINAHK NE TSHE MASHIKAKANIT KA ATAUATSHENANUT KAMASHIKAUT MAK KA MISHTA-UTINAKANIT

1. Nation innue uitamuat meshta-tshitimaunenitakuannit inniunnu mak utauassimuaua ushkat enaht utinniunnuat, miam eshi-uitakanit anite ne Innuat ka patshitinahk utaimunnuau auassat eshinakuannit utipenitamunnuau anite Ushkat ka taht Innuat;
2. Nation innue apu ui uapatahk kamatshikaunit mak ishinakuannu utatusseunnuau tshetshi mashikahk, tshetshi eka takuannit ute innit;
3. Nation innue tshissenitamuat etauatshenannut mak meshta-utinakannit kamatshikaunit innit mak eukuana pakuniueti tshiam-inniunnu anite innu-assia mak innua utinniunnit, kassinu auen katshitauku tanite anite ua utshipanit;
4. Nation innue tshissenitamuat ka atauatshenannut mak meshta-utinakannit kamatshikaunit meshta-pikuniueti ka ishpush minuinniut mamu ka taniti uikanishimaua mak anite mamu ka taht innuat innu-assit kie kueshtikuaki anite innu utinniunnit.
5. Nation innue tshissenitamuat ka atauatshenannut mak meshta-utinakannit kamatshikaunit meshta-pikuniueti anite mamu ka tanannut, anite eshi-uinitishut auen innu mak utashineunnu nenua innua mamu ka taniti.
6. Miam eshi-nishtuapatakanit anite ne *Nations unies* aimun ka patshitinakanit ne e tshitapatakanit kassinu innuat eshinniut, ne Nation innue tapuetatishu tshetshi mashikak ka atauatshenannut kamatshikaunit mak tshetshi tshimatat tshekuannu tshetshi ut natukuitishunannut tshe ut kau natuapatak auen innu eshi-uinakanit mak utinnu-aitun.
7. Nation innue tshissenitamuat uinuau ekanuenitahk shutshishiunnu kie eshinakuannit utatusseunnuau tshetshi tshishpeuataht utinnimuaua mak tshetshi tapuetatishuat tshitshue tshe mashikahk ka atauatshenannut kamatshikaunit anite kassinu innu-assia kie anite ne Nitassinan.



NATION INNUE

8. Nation innue tshissenitamuut kassinu auen eshinakuannit tshetshi tshiam-inniut anite e minuanit uashka etat mak akua tshetshi tutuakanit, kie eshinakuannit tshetshi itishimut anite kamakunueshiniti kie peikuan anite mamu ka tanannut tshetshi ut kueshte tutakuht nenu ua ishi-uitshikushiht ne e katshitaikanit innu-aitun mak innu-aimun.
9. Nation innue mamuiuat mak nikan tshituteuat tshetshi takuak akua ka aitinanut, aiat tshetshi minuinniunanut mak natshishk tshetshi kassinu innuat minuenimuht.
10. Kuishk^u tshetshi tutuakaniht innuat, uemut innu-assia tshika ui minu-katshitinamuut shunianu tshetshi ut minupanikuht tshetshi aitutuaut utinnimuaua miam ua apashtaniti tshe ishi-uauitshiakaniht ne ua mashikakanit ka atauatshenanut kamatshikaut. Ne tshe ishpish minu-katshitinkanit shuniaui tshika ui ishpanitakanu iapit anite tshe tshimatakanit tshekuan, tshe ishi-pimutenanut ne e tshitapatakanit minuinniun, tshe ishi-pimutenanut anite mamu ka tananut mak kupanieshat tshe utinakanit tipan ka ishi-nishtuapatahk nenu atusseunnu.
11. Nation innue ishi-uapatamuut nenua atusseuna tshe ishinakuaki akua tshetshi tutuakaniht innuat, eukuannua tshishue e apatahk mak uanasse tshetshi natuapamaht nenua kupaniesha tipan ka ishi-nishtuapataminiti nenu atusseunnu ne ua mashikakanit ka atauatshenanut kamatshikaut, tshetshi ne uemut ishinakuak miam anitshenat eshi-uauitshiakaniht kauapishiht.
12. Nation innue tapuetatishuat tshetshi uauitshiaushiht nenua ka natshi-ashtakanniti anite innit mak niakatuenitahk utshenat ka nishtuapatahk nenu atusseunnu.
13. Nation innue tshimaneuat ka mamunakanniti, tapishku tshetshi ishi-taht anitshenat ka tshimakaniht ashit nenua innua ka nishtuapataminiti nenu atusseunnu, tshe ishinakuannit utatusseunnuau tshe atushkatahk tshe aitiniti Nation innue ne e uitakanit ka mashikakanit kamatshikaut mak ka uesham-utinakanit, anite utitshipanit 31 nissi-pishim^u 2019.
14. Nation innue uitamuut tshe mishituepanitaht nenu ua aitinnut mak tshe pimipanitaht uipat utinakanit ne aimun ume minuut natshishkatutauit utshenat ka nikaniteht Nation innue uapikun-pishimua 2019.